


Vischnaunca da Breil



Lescha d'ustria

2019

		I. Disposiziuns generalas
Art.	1	Cumpetenzza
	2	Survigilanza
		II. Lubientschas
	3	Obligaziun da dumandar ina lubientscha
	4	Prescripziuns da construcziun
	5	Damonda
	6	Concessiun
	7	Pretensiuns
	8	Engrondaziun, transferir, midar il gener da menaschi
	9	Cuoz dalla lubientscha
	10	Commerci en detagl cun auas destilladas
		III. Temps d'avertura
	11	Menaschi en general
	12	Arranschaments
		IV. Taxas
	13	Taxas per lubientscha
	14	Taxas specialas
	15	Restricziuns en connex cun las auas destilladas
	16	Uorden e segirtad publica
		V. Disposiziuns penals, mieds legals
	17	En general
	18	Dretg surordinau
	19	Recuors
		VI. Disposiziuns finalas
	20	Disposiziuns executivas
	21	Disposiziun transitorica
	22	Vigur

Sebasond sigl art. 26 dalla lescha d'ustria pil cantun Grischun dils 7 da zercladur 1998 (GWG) relai il cussegl da vischnaunca suandonta lescha d'ustria.

I. Disposiziuns generalas

Art. 1

Cumpetenzza La suprastanza communal survigilescha las activitads da restauraziun. Ella ei cumpetenta da dar, midar e retrer ina lubientscha d'ustria e da menaschi.

Art. 2

Survigilonza La suprastanza survigilescha l'observaziun dallas prescripziuns legalas dils menaschis d'ustria ed il commerci en detagl ed il commerci mesaun cun bubrondas alcoholicas buca destilladas. Ella ei cumpetenta per tut las incumbensas ch'ei in buc attribuidas expressivamein ad in'otra instanza.

II. Lubientschas

Art. 3

Obligaziun da dumandar ina lubientscha

Ei drova ina lubientscha per:

- a) vender bubrondas e tratgas per consumar al liug;
- b) surdar localitads consumar bubrondas e tratgas furnidas;
- c) realisar occurrenzias ed eveniments, nua ch'ei vegn consumau bubrondas e tratgas furnidas

La distribuziun professiunala da tratgas ni bubrondas en localitads privatas ei suttamessa all'obligaziun da dumandar ina lubientscha. Per vender bubrondas destilladas drova ei ina lubientscha speciala tenor art. 12 dalla lescha d'ustria cantunala.

Art. 4

Prescripziuns da construcziun

a) localitads

Las localitads ston esser claras e schubras, cuntener in bien scaldament ed ina ventilaziun e corrispunder allas prescripziuns dalla lescha da baghegiar communal e polizia da fiug cantunala.

b) indrezs

Il indrezs ed urdeins per la conservar, sferdentar e distribuir maglias e bubrondas ed il indrezs da lavar e derschentar ston esser adattai e corrispunder allas pretensiuns da sanadad dalla polizia da victualias.

c) indrezs sanitaris

Mintga menaschi sto posseder il diember da tualettas che corrispunda alla grondezia dil menaschi. Las tualettas ston esser

accessiblas senza pagament ed ademplir las pretensiuns sanitaras respectivas. Las tualettas ston sesanflar damaneivel dallas localitads d'ustria e disponer d'ina derschentada d'aua ed ina pusseivladad da lavar ils mauns. Per ordinari ston star a disposiziun tualettas separadas per dunnas ed umens.

Art. 5

Damonda

1) La damonda per ina lubientscha tenor art. 3 al.1 dalla lescha d'ustria cantunala ei d'inoltrar alla canzlia per mauns dalla suprastonza communal silmeins 30 dis avon che arver ni surprender in menaschi ni avon che organisar in'occurenza.

2) La damonda sto cuntener las sequentas indicaziuns:

- a) las persunalias e l'adresa dalla persuna per la quala la lubientscha duei vegnir emessa;
- b) l'indicaziun exacta dil menaschi ni dall'occurenza;
- c) l'indicaziun exacta d'eventuals menaschis secundars;
- d) il cuoz giavischau dalla lubientscha.
- e) la descripziun dallas localitads

Alla damonda ei d'aschuntar:

- a) in extract dil register penal
- b) la confirmaziun cun suttascripziun tenor igl art. 5 al. 3 dalla lescha d'ustria cantunala

Art. 6

Concessiun

Sche las premissas legalas ein ademplidas, vegn la lubientscha dada en scret alla persuna autorisada avon ch'il menaschi vegni aviarts ni surdaus ni avon che l'occurenza vegni organisada.

Art. 7

Pretensiuns

La lubientscha sa vegnir colligiada cun pretensiuns, specialmein en connex cun il dretg d'access ed il cuoz da dimora dils giuvenils sco era connex cun las uras e la protecziun encunter la canera.

Art. 8

Engrondaziun, transferir, midar il gener da menaschi

Engrondiments considerables ed il transferiment da menaschis sco era midadas dil gener da menaschi basegnan ina lubientscha speciala. Per la damonda vala igl art. 5 al.1 e 2 conform al senn.

Art. 9

Cuoz dalla
lubientscha

1) Las lubientschas per il menaschi da gastronomia ed il commerci en detagl cun bubrondas destilladas ein buca limitadas, cun excepziun d'ordinaziuns cuntradictorias.

La lubientscha scada sche:

- a) la persuna che ha survegniu la lubientscha miera ni seretra;
- b) il menaschi vegn serraus, liquidaus;
- c) la lubientscha vegn retratga dallas instanzas communalas ni cantunalas;
- d) las taxas tenor art. 14 vegnan buca pagadas suenter admoniziuns repetidas.

2) La lubientscha per arranschaments ed occurrenzas ein limitadas al cuoz digl eveniment.

Per menaschis limitai ad in temps tochen a max. 6 meins, sco bars da neiv, bars da glatsch, menaschis da tegia, valan reglementaziuns spezialas.

Art. 10

Commerci en detagl
cun auas destilladas

1) Damondas per ina lubientscha per il commerci en detagl cun auas destilladas ein d'inoltrar ad uras cun il formular uffical agl Uffeci cantunal per economia e turissem e quei avon ch'in menaschi vegni aviarts ni surprius ni in arranschament organisaus.

2) Il formular sa vegnir retratgs tier la canzlia communal.

III. Temps d'avertura**Art. 11**

Menaschi en general

Il menaschis d'ustria san fixar lur temps d'avertura en general tenor agen pareri. Il menaders ein responsabels ch'il ruas da notg vegni buca disturbaus.

En cass da reclamaziuns cuntinuadas ei la suprastanza autorisada da surdar la survigilanza agl organ da polizia.

Sch'ils disturbis dil ruas dalla notg ein buca da responsar ed insupportabels, sa la suprastanza fixar per tals menaschis in'ura da polizia fixa.

Art. 12

Arranschaments

Per arranschaments vegn fixau uras d'avertura pil singul cass.

IV. Taxas

Art. 13

Taxas per la lubientscha

Per dar ina lubientscha vegn incassau las suandontas taxas:

- a) per menaschis CHF 200.– tochen CHF 800.–
- b) per arranschaments CHF 50.– tochen CHF 300.–
- c) per engrondiments, transferiments, midadas dil gener da menaschi CHF 50.– tochen CHF 300.–.

Per fixar las taxas el singul cass eis ei da risguardar adequatamein ils cuosts administrativs sco era igl interess e la productivitat economica dalla persuna obligada da pagar la taxa.

Art. 14

Taxas specialas

Per ulteriuras funcziuns officialas sco controllas extraordinarias da singuls menaschis ni arranschaments vegn ei incassau ina taxa da CHF 50.– tochen CHF 200.–.

Ils cuosts effectivs per las controllas dalla polizia communal en cass da disturbis dil ruaus da notg vegnan mess a quen al menaschi che effectuescha tals.

Art. 15

Restricziuns en connex cun las auas destilladas

Las restricziuns ein regladas en art. 2 dalla lescha d'ustria cantunala.

En special eis ei scumandau da vender:

- a) bubrondas alcoholicas a giuvenils sut 16 onns ed a personas ch'ei stuornas;
- b) auas destilladas e bubrondas mischedadas sin basa dad auas destilladas a giuvenils sut 18 onns;
- c) bubrondas alcoholicas cun agid d'automats ch'ei contonschibels publicamein.

Menaschis che vendan bubrondas alcoholicas astgan buc offerir in'elecziun da bubrondas senza alcohol per in prezi pli car che quel dalla bubronda alcoholica la pli bienmarcauj ella medema quantitat.

A giuvenils sut 18 onns eis ei scumandau da visitar variétés, e nightclubs. Per la viseta da discos e dancings vala ina vegliadetgna minimala da 16 onns.

Il menader ei responsabels per la controlla.

Art. 16

Uorden e segirtad publica

Suenter las 22.00 eis ei da tralasar scadina canera che disturba il ruaus da notg ed ei mulestusa. Quei vala en special per immissiuns da ramur e canera caschunadas da motors, sbattidas da portas d'autos, musica, cant etc.

V. Disposiziuns penalas, mieds legals**Art. 17**

En general

Cuntravenziuns da quella lescha e dallas disposiziuns executivas sco era dalla lescha d'ustria cantunala e dallas disposiziuns executivas respectivas vegnan punidas cun in'admoniziun ni in castitg da tochen CHF 10'000.–, aschinavon che las ordinaziuns da castitg dil dretg federal vegnan buca applicadas. En cass gravonts sa il menaschi vegnir serraus tempormein ni sa la lubientscha vegnir retratga

Art. 18

Dretg surordinau

Per tut las reglamentaziuns buca menziunadas en questa lescha valan las prescripziuns dalla lescha d'ustria cantunala e las disposiziuns executoricas tier la lescha d'ustria cantunala.

Art. 19

Recuors

Encunter las disposiziuns dalla suprastanza communal sin fundament dalla lescha cantunala ni da questa lescha san ins recuorer en scret enteifer 20 dis dapi la comunicaziun alla Dertgira administrativa dil cantun.

VI. Disposiziuns finalas**Art. 20**

Disposiziun executivas

La suprastanza communal sa relasar disposiziuns executivas.

Art. 21

Disposiziun transitorica

Lubientschas ch'ei vegnidas dadas temporarmein a menaschis avon l'entrada en vigur da questa lescha ein valeivlas a moda nunlimitada, aschinavon che la persuna autorisada meina vinavon il menaschi el medem rom.
Proceduras pendentas il mument dall'entrada en vigur da questa lescha ein da tractar tenor il niev dretg, aschilunsch ch'il dretg vegl ei buca pli favureivels.

Art. 22

Vigur Questa lescha entra en vigur igl 01. da schaner 2019 suenter ch'il cussegl da vischnaunc ha approbau ella.

Approbau dil cussegl da vischnaunca a caschun dalla seduta dils 4 da settember 2018.

En num dalla suprastonza communal

En num dil cussegl da vischnaunca

Il president: *Clau Schlosser*

Il president: *Maurus Tomaschett*

Igl actuar: *Curdin Cadonau*

Igl actuar: *Curdin Cadonau*